

कोरिन्थडाम मण्डलीलाई पावलका

ज्याक्तुम चडडाम सेलाखाजेम

छेम-ल्ला

पावल उ त्वाकाडा कोरिन्थ शहरडा चोम्जोल्लुम मण्डलीलाई ज्याक्तुम ओराम चक्थोम सेलाखाजेम सो। मे मण्डली नुड उमा मेकोति जोपा हेमकेम मेबायावाम थारीका गुका ओराम सेलाखाजेम ज्याक्तुम बाईडा। मण्डलीडाम कोडनिम मुचुमिमका उमा कोर्थोलाम जेम्डिम बाईडा। लावो गुका मेर्मिमनुड दुपा न बुडुम बु मा गो मेर्मिमनुड दुमु ल्वातो माला गो छोम गेसीद्वाडु ज्वाक्साका आसिन्डा ज्याक्तुम बु।

ओराम सेलाखाजेमकु डादोम भागडा पावल नुड कोरिन्थडाम मण्डलीडा हेप्पाम हेमकेम दुस्ताम बाईडा ज्वाक्साका गुका सोयुडुम बु। लोवो मण्डलीलाई मेर्मिमका बेम्डिम मजोपा ल्वा नुड उमा कोर्थोलाम जेम्डिम ल्वाकु दुथाम गुका मेर्मिमलाई छोम मेभ्रपा बेसाका र्वाक्तुमिम बाईडा। आरेसाका गुका र्वाक्तुमि लोवो चक्थो ने मण्डलीडा खोत्लेकाम उनी न-गो दुबेसाका उनीमा छुललाम र्लोसिम्डिमका पावल छोम गेसीद्वाक्ताम बाईडा। मेकोतिमा पावलका मण्डलीमिमलाई यहूदियाडाम उनी हाम वो मेबाट्पा थोरलुपामिमकाम लागि इनी दाप होर्नीमा र्लोनीमी ज्वाक्ताम बाईडा। चडडाम अध्यायडा पावलका गो आच्छाडाकाम थुर्मा ज्वाक्ताम बु। हेडालोने कोरिन्थडाम कोडनिम मुचुमिमका उनी त्वापलाई आच्छाडाकाम थुर्माजिमि ज्वाम्थाल्मिडी, लावो पावललाई ने थुर्मा लिसिड्डाम ज्वाक्साका मुमा बेन्थाल्मिडी।

ज्याक्मा ल्वामिम

छेम-ल्ला १:१-११

पावल नुड कोरिन्थ मण्डली १:१२-७:१६

यहूदियाडा बाट्पा स्त्रीष्टियनमिमकाम लागि भेटी ८:१-६:१५

पावल उ त्वाप थुर्मा ज्वाक्साका सोयुम १०:१-१३:१०

हुम-द १३:११-१३

पावलकु सेव

१ ओराम सेला-खाजेम माम्चुनीकु न होम्साका येशू ख्रीष्टकु थुमा दुम्डोडोम गो पावल नुड आकीमा ल्वाक तिमोथीलामका सो।

गो कोरिन्थ शहरडा बाट्पा माम्चुनीकु मण्डली नुड अखैयाडा बाट्पा माम्चुनीकु खोत्ले सेपा मुचुमिमलाई ओराम सेला-खाजेम ज्याक्तोडा बेउ।

२ माम्चुनी ईकी पाप नुड डाचो येशू ख्रीष्टका गानीलाई दिदाम नुड न-भ्रसी ग्वानीमीनु।

खोत्लेडा न बसाक्पा माम्चुनी

३ माम्चुनीकु नड कोसीनु। गुमी ईकिमा डाचो येशू ख्रीष्टकु माम्चुनी, न-थोमनुडमा पाप, मा न खोत्ले बसाक्पा माम्चुनी बुमी। ४ गुमीका गुईलाई खोत्ले दुखाडा ईकी न बसाक्सामी।

आरेसाका माम्चुनीलाम ल्वास्तिम मेराम न बन्सीलामका गुई वो वाडमिम दुखाडा दुम्पा मुचुमिमकु न बन्सामु चाप्सी।

५ हेडालोने ख्रीष्टकाम लागि गुई हाडको हापा दुखा ल्वासी, मेकोतिडा माम्चुनीका ख्रीष्टलामका ईकीमा न बसाक्सामी।

६ गुकु दुखा ल्वात्तोकोम ने ईनीमा न बट्पा नुड सेल्सिसीकाम लागि सो। मेम्मा गुकु माम्चुनीलाम न-बन्सी ल्वात्तोको माला मेराम वो ईनीमा न-बन्सीकाम लागि सो। ओराम न बन्सीलामका गुकु इन्तोकोम होप्पाम दुखा गानी वो इम्मु चाप्नी। ७ गुकु दुखा ल्वात्तोकोम होडडा गानी वो दुखा ल्वानी माला, माम्चुनीका आकीमा न बसाक्त्तिकिम होडडा इनीमा वो न-बन्सानीमी। गुकुलाई ओराम ल्वाडा आच्छाडा थोर लुडाम बु।

८ वा-ल्वाकनी, गुकु एशियाडा दुखा ल्वात्तोकोम ल्वाकु दुथाम गानी वा चन्जोल्नी ज्वाक्पा आकीमा न बु। मेसिन्डा गुकु छीम दुखा ल्वात्तोको,

मेराम गुकु इम्मुडा मेचाक्कुवामका आकी साम जुल्मु वो न सेत्तोकोम बाईडा। ९ गुकु ने आच्छाडा सिमु होडडा लुत्तोकोम बाईडा। गुकु आकी त्वाकु युमडा मेएँ, लावो सिपामिमलाई फक्पा माम्चुनीडा थोर लुकुनु ज्वाक्साका आरे दुस्ताम। १० गुमीका गुकुलाई आरेप्पाम छोम डिमलुपा सिमुलामका फ्वाक्त्तिकीमी, मा फ्वाक्सामी वो। गुमीका गुकुलाई हेल्लो लोवो फ्वाकीमी ज्वाक्पा नका गुमीडला गुकु आकीमा थोर जुल्तोकोम बु, ११ गानी वो आकीमा लागि सोम्दी बेसाका र्लोकिनीम बुकीनी। मेम्मा हापा मुचुमिमका ईकीमा लागि आलासो ज्वामी, हेडालोने मेर्मिम हापाकाम सोम्दी थोमीमा माम्चुनीका गुकुलाई जि-वा ग्वाकीमी।

पावलका कोरिन्थडा चक्थो लक्पा मुलु बुडुम

१२ ओराम सुम्दीसेरडा कोडडा मेएँ लावो ईनीमा डादोडा वो आकीमा बासी-दोसी सेपा दुम्बेत्तोकोम बु। ओराम आच्छाडाकाम न गुकु माम्चुनीलाम ल्वात्तोकोम सो। ओराम माम्चुनीकु दिदामका दुस्ताम, मुचुकु नेप्चीलामका ने मेएँ ज्वाक्साका गुकु आकी धक्ची ह्वाक्साका सेपा नेप्चीका ज्वामु चाम्कु। १३ गानी थेसिथेन्मु मेचापा नुड डान्मु मेचापा हाम वो ल्वा गुकु गानीलाई मेज्याकु। १४ ओम्लो गानी आकीमा दुथाम किचो कोडडा थेसिथेटिनम बु, लावो कोलेम गानी गुकुलाई जोहोमका थेसिथेन्किनी। डाचो येशू योमीमिम नेम गुकु ईनीमा दुथाम आकी धक्ची ह्वाकुमिम होडडा गानी वो आकीमा दुथाम ईनीमा धक्ची ह्वानी ज्वाक्साका थोर बेउतोम बु

१५ गुई इकी त्वाप-त्वापडा आच्छाडा थेसिथेन्बइ ज्वाक्पा गो लुडोडोमका गानी नक-खेप जि-वा ल्वानी ज्वाक्साका

आथावो ईनीमाडा रोमु न बेउतोम बाईडा। ^{१६} माकेडोनिया लडुलो डादो ईनीमाडा लुडु मा माकेडोनियालामका रूलोडिसडुलो वो ईनीमाडा लुडु। मेम्मा गानी गौलाई यहूदियाथो थुसॉडिनी ज्वाक्पा आमा नडा मिम्सिडुडोम बाईडा। ^{१७} आरे बोमु आमा नडा मिम्तोलो हाम नले न बेउतो? हाम गो हाम-हुम बोमु आमा नडा मिम्तोलो सुम्दिसेरडाम मुचु होडडा कोलेडा ल्वा “आच्छाडा” नुड “मेएँ” ज्वाडुमा? ^{१८} माम्चुनी थोरलुडुमिम बुमी। मेम्साकाडा आकीमा सिजेम वो याडलो “आच्छाडा” नुड याडलो “मेएँ” दुस्ताम मिबु। ^{१९} गो, सिलास नुड तिमाथीका गानीलाई थोबेत्तोकोम माम्चुनीकु तारापाचो येशू ख्रीष्टडा “आच्छाडा” नुड “मेएँ” ज्वाक्पा ल्वा मेबायावा। लावो गुमीडा हेल्लो लोवो “आच्छाडा” कोडडा दुम। ^{२०} माम्चुनीका खोत्ले याचे जेम्डिम ल्वामिम “आच्छाडा” ज्वाक्साका ख्रीष्टडा रोक्थिडडा। मेम्मिमका ख्रीष्टलामका माम्चुनीकु नड डोकपु दुम्नु ज्वाक्साका गुई “आमेन” ज्वाकी। ^{२१} माम्चुनीका गानी नुड गुकु खोत्लेलाई ख्रीष्टडा सो ग्वाक्साडुडामिम बु। गुमीकाडा गुकुलाई ^१ थुत्तिकिमिम सो। ^{२२} गुई गुमीकाम डा ज्वाक्साका गुमीका गुईडला उनीमा छेखोप ओप्पिडीम बु मा डादो ग्वाक्पा बैना होप्पामडा ईकीमा न-गोडा माम्चुनीपेल ग्वाक्साडुडामिम बु।

^{२३} माम्चुनीलाई आमा दुथाम सोपा मिम्साका गो आच्छाडा ज्वाडु, गानीलाई आथावो हापा दुखा मेग्वानीनी ज्वाक्साका गो कोरिन्थडा रूलोसिक्साका मेरोडुवा। ^{२४} ईनीमा थोरलुसीडला गुकु साखाम थोमु लागि मेएँ, लावो ईनीमा न भ्रमिसमु लागि

गानीनुड खारी बोमु न बोकु, हेडालोने ईनीमा थोर छोम सोनुडमा बु।

२ ईनीमा न मेनोबेटपुनु ज्वाक्साका गो ईनीमाडा आथावो चकथो मेरोक्पा मुलु बेउतो। ^२ हेडालोने गो ईनीमा न नोबेत्तो माला गो न नोबेसाक्नीनिम गानीडाम वाडमिम सुका गोलाई गेर्सिबेन्डी मा? ^३ गो रोडुलो आमा न भ्रसीबेन्मु बासिकपा मुचुमिमका आमा न नोमेबेन्मीनु ज्वाक्साका डादोम सेला-खाजेम गो ज्वाक्तोम सो। आमा न भ्रसीलो ईनीमा वो न भ्रसी ज्वाक्पा गो थोर लुडुडोम बाइडा। ^४ आमा गो छोम खाप्तो आमा न मेभ्रसिकतो नुड छोम प्ल डक्तो गानीलाई मेराम सेलाखाजेम ज्वाक्तोम बाईडा। गो ईनीमा न नोबेन्मु माल्तोम मेएँ, लावो गो गानीलाई हाडकोम रिखाम बोनीनी मेराम गानीलाई चबेन्मु आमा न बाईडा।

छुल हेप्सी

^५ गानी गोडाम कोडनिमका न नोबेडुडु माला आमा कोडडा मेएँ गानी खोत्लेकाम छोम न नोबेडुडु। ^६ गानी गोडाम हापाडा उमा कोथोलाम बनीमिमडा मेरामलाई लिडपा देन्दे दुम। ^७ मेम्मिमका गानी मेरामकु छुल हेम्साट्नी मा मेरामनुड न-थोमनुडमा दुम्साका जेनी-दोनी, मेएँ माला ने छोम उ दुखा लुमा उ गो भ। ^८ मेम्मिमका गो गानीलाई छोम ज्वाडु, मेराम मुचुडला आच्छाडा रिखाम बोनी ज्वाक्पा रम्बेनी। ^९ गानीलाई ज्वाक्साका होम्साका खोत्ले बोनी डे मेएँ डे ज्वाक्साका छाम्मु नुड रेम्मु लागि गानीलाई सेलाखाजेम ज्वाक्तोम बाईडा। ^{१०} गानी कोडनिमलाई पाचो ग्वानी माला गो वो मेरामलाई पाचो ग्वाक्पु। कोडनिम मुचुलाई कोडनिम ल्वाडा गो पाचो ग्वाक्तोम बु माला येशू ख्रीष्टकु

^११.२१ यहूदीमिकु डुम्लाडा तेल क्लकसाका कोडनिम खारी बोमु (हप, डोकपु डाड डुम्लाचो, माम्चुनीलाम जेपा)लागि थुपा डुम्ला सो

डादोडा ईनीमा लागिडा पाचो ग्वाक्पु।
 ११ आरेसाका शैतानका गुईलाई फोसो
 आम्मु मेल्लास्नु, हेडालोने गुई शैतानकु
 नडाम मुलुमिम चडिम बु।

त्रोआसडा पावलका मिन्ताम-सोरताम बुडुम

१२ ख्रीष्टकु दुथाम जोपा-सेला
 थोबेड्डा गो त्रोआस शहरडा रोडडोलो
 डाचोका आमा लागि लाम्चोको
 होल्साड्डीमिम बाईडा। १३ लावो आमा
 ल्वाक तीतस मेसिन्डा मेडारुवामका
 गो मिन्ताम-सोरताम बेउतो। मेम्मा
 त्रोआसडाम वा-ल्वाकमिमनुड
 ब्वासिड्डोमा गो माकेडोनियाथो
 लडडो।

ख्रीष्टलाममिम घल्वासी

१४ माम्चुनीलाई आलासो दुम्नु,
 हेडालोने माम्चुनीका गुईलाई हेल्लो
 लोवो ख्रीष्टनुड घल्वासीकु लाम्दीडा
 लाम्दीबेसामी। गुमीका ख्रीष्ट छेबेट्पा
 नेच्चीलाई भ्रपा मूरनेम्पा धूप होडडा
 खोत्लेथो फोट्पा खारी गुकुलाई
 ग्वाकीमी। १५ हेडालोने सेल्सिक्पामिम
 नुड पुयुलुकपामिम गोडा गुइ माम्चुनीकाम
 लागि ख्रीष्टकु भ्रपा मूरनेम्पा धूप सो।
 १६ पुयुलुकपामिमकाम लागि गुई
 साम फ्याक्साक्पा ग्रामलुपा मूर मा
 सेल्सिक्पामिमकाम लागि गुई त्वारोम
 ग्वाक्पा भ्रपा मूर सो। आरेप्पाम खारी
 बोमु चापा सु बु मा? १७ वाडमिम हापा
 मुचुमिमका खाप्ची दुम्नु लागि बेम्डिम
 होडडा माम्चुनीकु सिजेम भ्रेट्पा म्चु गुकु
 मेएँ, लावो गुकु ने माम्चुनीका थुतीकम
 मुचु सो, मा माम्चुनीकु डादोडा गुकु
 ख्रीष्टकु दुल्चो दुम्साका उनीमा सिजेम
 आच्छाडा जेकु।

लाले सोरखेप्सीडाम डुल्चोमिम

३ हाम आथावो आकी त्वाकाडा
 त्वापलाई कोमु खाक्कु मा? हाम
 कोड-कोड मुचुमिमका होडडा गानीलाई
 डे गानीलामका डे छेबेट्पा सेला-खाजेम
 गुकु वाडमीलाई रेम्बोमु बासी मा?
 २ गानीडा आकीमा न-गोडा ज्याक्मा
 सेलाखाजेम सो। इनीमा त्वारोम ने खोत्ले
 मुचुमिमका डान्नु नुड छेमु चापा मेराम
 सेला-खाजेम सो। ३ आच्छाडा गानी ने
 ख्रीष्टका ज्याम्डिम सेला खाजेम सो,
 मा मेराम सेला-खाजेम रेट्पा गुकु डा।
 ओराम सेलाखाजेम मसीका ज्याक्मा
 मेएँ लावो नुपा माम्चुनीकु पेललामका
 ज्याक्मा सो। लुडकु ज्याखोपडा मेएँ,
 लावो न-गोडा ज्याक्मा सो।

४ ख्रीष्टलाम न-थोम ल्वात्तोकोमका
 गुकु माम्चुनीडला आरेप्पाम थोर बेसाका
 ज्वाकु। ५ ओराम खारी बोमु घ्रेट्पा
 बुकु ज्वाक्साका गुकु ज्वामु मेचाक्कु।
 लावो गुकुलाई ओराम खारी बोमु घ्रेट्पा
 दुम्बेट्पा ने माम्चुनी सो। ६ गुमीका
 गुकुलाई लाले सोरखेप्सीकु डुल्चो
 दुम्नु चापा दुम्बेत्तिकीमिम बु। ओराम
 लाले सोरखेप्सी ने ज्याक्मा दुम्लामिम
 मेएँ, लावो माम्चुनी-पेललाम सो।
 ज्याक्मा दुम्लाका सिमुलाम रेडु, लावो
 माम्चुनी-पेलका ने त्वारोम ग्वाक्सामी।

लाले सोरखेप्सीकु युम-भवाक्सी

७ लुडकु ज्याखोपडा दुम्ला ज्याम्डीमा
 ग्वाम्डिम थारीका माम्चुनीकु युम
 भवाक्सी रेम्बेसिड्डा। मेराम युम
 भवाक्सीका मोशाकु कल भवाक्ताम
 बाईडा। मेप्पाम भवाक्पामा वाखाताम
 दाम्तो लक्पा ल्वा लोवो इसाएलीमिमका
 मोशाकु कल रेम्मुडा मेचाप्पिवा।
 सिमुलाम रेट्पा दुम्ला रेड्डुलो ने मेप्पाम
 युम-भवाक्सी बाईडा माला, ८ त्वारोम
 ग्वाक्पा माम्चुनी-पेलकु खारी रेडीलो

मेरामडाम वो हापा छल्वापा युम भवाक्सी
मेदुम मा? ६ मुचुलाई मुमा बेट्पा डुम्लाकु
खारी ने युम भवाक्पा बाईडा माला,
मुचुमिमलाई माम्चुनीकु डादोडा जोपा
दुम्बेट्पा खारी ने मेरामडाम वो हापा युम-
भवाक्पा दुम। १० ओराम युम -भवाक्सी
छोम भवाक्पा बाइडामका डादोम युम
भवाक्सी ने मेकोतिडा दाम्स्तामा लस्ता।
११ दाम्तो लक्पा मेराम डुम्ला वो युम-
भवाक्सीनुडमा रोकताम बाईडा माला,
ओराम हेल्लो लोवो दुम्पाम बाट्पा
त्वारोम ग्वाक्पा खारी ने मेरामडाम वो
छल्वापा युम-भवाक्सीनुडमा दुम।

१२ गुकुनुड आरेप्पाम हाम-हुम ल्वापा
न बुमिमका गुकु छोम मेडिपा दुम्तोकोम
बु। १३ दाम्तोलक्पा युम-भवाक्सी
इसाएलीमिमका मेल्वामीनु ज्वाक्साका
मोशाका उ कल खेप्थाल्लु, लावो गुई
ने गु होप्पाम मेएँ, १४ मेराम थारीका
इसाएलडाम मुचुमिमकाम थेसिथेट्पा
न हुप्पा बाईडा। आथाल-दिका वो
माम्चुनीकु डादोम सोरखेप्सी डान्मिलो
मेर्मिमका थेसिमेथेन्मी। मेर्मिमका
ख्रीष्टडा थोर लुसाका कोडडा उनीमा
नडा हुप्पा ल्वा पार्सी मा थेसिथेन्मु
चाप्पी। १५ आथामबिली वो मोशाकु
डुम्ला डान्मीलो मेर्मिमकु न हुप्पा दुम,
मा थेसिथेन्मु मेचाप्पी।

१६ लावो डाचोथो मुचु र्लोसी माला
मेरामकु नडाम हुप्पा ल्वा गुमीका
पार्सामी। १७ डाचो डा पेल बुमी,
मा डाचोकु पेल बान्ते दुम मेसिन्डा
मेजोपा ल्वालामका गुइ सेल्लिडी।
१८ डाचोकु युम-भवाक्सी गुईलामका
रेम्बेसीनु ज्वाक्साका इकीमा कल
हुपा पार्सिड्डाम बु। डाचो, गुमी पेल
सो, गुमीलाम रोकपा युम-भवाक्सीका
गुइलाई वो गुमी होप्पाम डा दुम्बेसा मा
गुई आथावो हापा युम-भवासिक्पा दुम्तो
लक्सी।

क्वाकु सोजामडा हापा थिकाम खाप्ची

४ माम्चुनीका उनी न-थोमनुड ओराम
खारी गुकुलाई ग्वाक्तिकिमिमका
आकी पाऊ मेसो। २ गुकु क्रोम लुपा
नुड थसिसाका बेपा खारी मेबोकु।
गुकु लु-फेले वो मेबोकु, मा माम्चुनीकु
सिजेम वो मेफाल्कु। लावो गुकु
आच्छाडाकु सिजेम जोहोमका सीकुमी,
मा माम्चुनीकु डादोडा गुकु हेप्पाम
मुचु बुकु रेछा ज्वाक्पा ल्वा खोत्ले
थोरलुइमिम मुचुमिमका उनीमा न-
गोडा चमु चाम्मी। ३ गुकु थोबेन्कुमिम
जोपा-सेला सुलामका थसिक्पा बु
माला पुयुलुक्पामिमकाम लागि कोडडा
थसिक्पा बु। ४ मेर्मिमकु दुथाम ज्वाकी
माला, माम्चुनीकु डाली बुमिम ख्रीष्टकु
युम-भवासिक्पा जोपा-सेलाकु ओल
मेर्मिमका मेल्वामीनु ज्वाक्साका ओराम
सुम्दीसेरडाम देउता शैतानका थोरमेलुपा
मुचुमिमकु न बल्योप्साड्डुमिम बु।
५ गुकु थोबेन्कुमिम ल्वा आकीमा
दुथाममिम मेएँ, लावो येशू ख्रीष्ट ने
डाचो ज्वाक्पा ल्वा नुड ख्रीष्टकाम
लागि गुकु इनीमा डुल्चो दुम्तोकोम बु
ज्वाक्साका थोबेन्कु। ६ “तुकुम्चिमलाम
ओल भवानु” ज्वाक्पा माम्चुनी डा
आकीमा नडा उनीमा ओल भवाबेसाका
माम्चुनीकु युम-भवाक्सीकाम नेप्ची
गुकुलाई थेसिथेन्बेत्तिकी। आच्छाडा
ओराम ओल येशू ख्रीष्टकु डालीडा
भवा।

७ माम्चुनीलाम भवाक्पा ओराम
ओलकु खाप्ची गुकुनुड बु, लावो
क्वाकु सोजाम होप्पाम गुकुगोडा मेराम
खाप्ची जुल्मा बु। ओरामलामका आरे
ज्वाक्साका थेसिथेडी, आरेप्पाम डोकु
युम ने गुकुलाम मेएँ, माम्चुनीलाम रो।
८ गुकु खोत्लेलामका खाल्लिसतोकोम
बुकु, लावो गुकु हिल्लिसक्तोकोम मिबु।

१३.१४ डादोम सोरखेप्सी ज्वाक्पा

गुकु हाम वो बोमु मेचापा थारी रोहोम बु, लावो आकी न सेत्तोकोम मिबु।
 ६ मुचुमिमका छोम आकी थोम तेमीडिम बु, लावो माम्चुनीका गुकुलाई हेल्लो वो डितीकिमिम मिबु। मुचुमिमका गुकुलाई याल्त्तिकीमिम बु, लावो मेर्मिमका गुकुलाई सेन्मु चाप्तीमिम मिबु।
 १० आकीमा मिरोमडा येशूकु बासी-दोसी वाडमिमका ल्वामीनु ज्वाक्साका गुकु आकी त्वाकु मिरोमडा हेल्लो लोवो येशूकु सिमुलाम कुकुं। ११ सिपामा लक्पा आकीमा मिरोमडा येशूकु त्वारोम रेम्बेसीनु ज्वाक्साका उनीमा लागि डा हेल्लो लोवो गुकु ज्वाप्डा सिकुमु बुकु। १२ मेम्मिमका सिमुलामका गुकुगोडा खारी बेत्तोडा लेडु, मा त्वारोमका ने गानीगोडा खारी बेत्तोडा लेडु।
 १३ “गो थोर बेउ, मेम्मिमका गो जेडु” ज्वाक्साका माम्चुनीकु सिजेमडा ज्याक्मा बु, गुकुनुड वो मेरामडा थोर बु मा गुकु वो जकु। १४ गुकु चकु, ईकीमा डाचो येशूलाई सिमुलाम फक्पा माम्चुनीकाडा गुकुलाई वो येशूनुड फकिमी। मेम्मा गानी नुड गुकुलाई उनी त्वाकाडा लक्सामी। १५ गुकु दुखा ल्वातोकोम ओर्मिम खोत्ले ल्वाका ने गानीलाई जोपा दुम्नु ज्वाक्साका दुस्ताम सो। मेम दुस्तामका हापा मुचुमिमका माम्चुनीकु दिदाम ल्वामी मा मेर्मिम खोत्लेका माम्चुनीकु नड डोकपु बोमु लागि गुमीलाई आलासो ग्वामी।

थोरलुसीलाममिम त्वारोम

१६ मेम्मिमका हेल्लो वो आकीमा पाउ मेसो। आकीमा मिरोम युप्तो ल लोवो आकीमा त्वारोमकु पेल ने हेल्लो लोवो लाले दुम्तो लमी। १७ गुकुनुड ओम्लो कतिदुपा थारी नुड याक्के दुखा बु, ओरामका हेल्लो वो मेदाम्पा युम-भवाक्सी गुकुगोडा रेडु। ओराम

दुखाडाम वो मेराम युम भवाक्सी ने हापा डोकपु बु। १८ मिक्सीका ल्वासुमिम ल्वा मेएँ, मिक्सीका मेल्वासुमिम ल्वा गुकु रेम्कु। मिक्सीका ल्वासुमिम ल्वा धारिकोडकाम कोडडा दुम, लावो मिक्सीका मेल्वासुमिम ल्वा ने हेल्लो लोवो दुमहोम बु।

५ गुई बुईमिम ओराम क्वाकु मिरोम पुयुलु लोवो पाहीला हेल्लो वो पुयु मेलुक्पा बाखोप माम्चुनीका इकीमा लागि बनेबेम्डिम बु। गुई ओराम च, मेराम ने मुचुकु ल्वाका बनेबेम्मा मेएँ।
 २ ओम्लो गुकु ओराम मिरोमडा बुकुलो छोम आकी न नो। गुकु ने पाहीला बाट्पा मिरोम ये-सेम होम्साका फम्सीमु न बोकु।
 ३ ये-सेम होडडा गुई पाह्नीलाम मिरोम फसीडीलो गुई मिरोम मान्थी खालिन्ते मेदुम्सी। ४ गुई ईकीमा क्वाकु मिरोमडा बुईमिम थारीका मिन्ताम-सोर्ताम बेत्तो ओसुम बिई। गुई ओराम मिरोम डिन्मु न बेसाका मेएँ, लावो पाह्नीलाम त्वारोमकु ये-सेम फसीनु ज्वाक्साका सो, मेम्साका सिपा मिरोम ने मेसिपा त्वारोमडा ख्लोसी। ५ आरेप्पाम खारी भोम्सी बेट्पा ने माम्चुनीडा सो। गुमीका मेराम खारी आच्छाडा बोम्सोमी ज्वाक्पा रेम्बोमु लागि डादो ग्वाम्जोल्मा बैना होडडा माम्चुनी-पेल गुइलाई ग्वाक्साड्डामिम बु।

६ मेम्मिमका हेल्लो लोवो इकीमा सो हन्होम बु। गुई ओराम मिरोमडा बुइमिमसम्म डाचोडाम होनोवा दुम्सी ज्वाक्पा ल्वा चडिम बु। ७ गुई थोरलामका बुई-दोसी, मिक्सीका ल्वासीमिम ल्वालामका मेदोसी।
 ८ ईकीमा छोम सो हन्पा बु मा ओराम मिरोम डिसाका डाचोनुड बुमु गुई द्वाकी। ९ मेम्मिमका गुई मिरोमडा बुई लोवो मिरोमडाम वाड बुई लोवो गुमीलाई गेर्सिबेन्मुडा ईकीमा न दुम।

१० गुई खोत्ले ख्रीष्टका निया बेपा गन्वोपकु डादोडा येम्सीमु बासी, मा मुचुका मिरामडा बाईडालो जोपा डे मंजोपा हाम बुडुम बु मेराम होम्साका निया ल्वासु।

न-थोम घोम्बेसीकु खारी

११ डाचोकाम डिम जुलुम ज्वाक्पा ल्वा गुकु चक्तोकोमका मुचुमिमलाई माम्चुनीडा थोर लुबेन्मु माल्कु। आकीमा दुथाम माम्चुनीका खोत्ले चमी, मा गानी वो आमा दुथाम जोहोमका चनीमिमडा बु ज्वाक्पा आमा न बु।

१२ आरे ज्वाक्साका गुकु आथावो ईनीमा डादोडा आकीमा त्वाकु दुथाम डोकपुतो ल्वा बोमु माल्तोकोम मेएँ, लावो गुकुडा गानी डोकपु लिन्सिट्नी ज्वाक्साका गानीलाई जोपा थारी ग्वामु माल्तोकोम बु। मेम्साका न-गोडा बाट्पा ल्वाडा मेएँ, मिक्सीका ल्वासिक्पा ल्वाडा डोकपु लिस्विका मुचुलाई गानी सि तुमु चाम्नी।

१३ गुकु आकीमा न मान्थिम बुकु माला माम्चुनीकाम लागि न मान्थिम बुकु, मा गुकु आकीमा ननुडमा बुकु माला ईनीमा लागि ननुडमा बुकु। १४ ख्रीष्टकु रिखामका गुकुलाई औराम खारी बेबेत्तिकिम सो। खोत्ले मुचुमिमकाम लागि गुमी सिम्डी, मेम्मिमका गुई खोत्ले गुमीनुड सिड्डिम ज्वाक्साका गुई चडिम बु। १५ गुमी खोत्लेकाम लागि सिम्डी। मेम्मिमका लाले त्वारोम ल्वापामिमका आथाडा आनो त्वाकाम लागि मेएँ, लावो ख्रीष्टकाम लागि नुमु बासी, गुमी मेर्मिमकाम लागि सिम्डी मा सिमुलाम बम्पोम्डिम

१६ मेम्मिमका सुम्दीसेरडाम मुचुमिमकु रेप्सी होम्साका आथाडा आनो गुकु सुलाई वो मेरेम्कु। कोबिली ख्रीष्टलाई आरेसाकाडा रेप्तोको लावो आथाडा

आनो गुमीलाई मेम्साका मेरेम्कु।

१७ मेम्मिमका कोडनिम मुचु ख्रीष्टडा बु माला मेराम लाले दुस्ताम मुचु सो। मेम्सा डादोम त्वारोम दाम्स्ताम बु, रेप्नी, लाले त्वारोम चोम्सिड्डाम बु। १८ ओर्मिम खोत्ले माम्चुनीका बेम्डिम सो। गुमीका ख्रीष्टलामका उनीमा नुड ईकीमा न-थोम घोम्बेसाड्डामी मा वाडमिम मुचुकाम न-थोम गुमीनुड घोम्बेट्पा खारी वो गुईलाई ग्वाक्साड्डामी। १९ मेराम ज्वाक्पा ने मुचुमिमका बेम्डिम छुलकु मुमा मेबेसाका माम्चुनीका खोत्ले मुचुमिमलाई ख्रीष्टलामका गुमीनुड न-थोम घोम्बेट्मडिम बु। मेम्सा वाडमिमलाई जोपा-सेला थोबेसाका न-थोम घोम्बेट्पा खारी गुकुलाई ग्वाक्त्तकीम बु।

२० मेम्मिमका गुकु ख्रीष्टकाम लागि जेपा मुचु सो, मा माम्चुनीका गुकुलामका ज्वामीमिम-ज्वामीमिमडा बु। ख्रीष्टलामका गुकु गानीलाई छोम ज्वाकु: माम्चुनीनुड ईनीमा न-थोम घोम्बेट्नी। २१ माम्चुनीका ख्रीष्टडा गुईलाई उनी त्वाकु डादोडा जोपा न-गोकाम दुम्बेन्मु लागि हेल्लो वो छुल मेबेपा ख्रीष्टलाई ईकीमा छुल कुर्बेट्मडी।

६ माम्चुनीनुड खारी बेपा मुचु दुम्तोकोमका गुकु छोम ज्वाकु, गानी माम्चुनीलाम दिदाम ल्वापामिमका मेराम दिदाम मेरेडा बलाम बलाम दुम्मु मेग्वाक्नी। २ माम्चुनीका ज्वामी:

“दिदाम बेपा जोपा थारीका
गो ईमा सोम्दी थोउतो।
सेल्पा नेम
गो गानालाई र्लोन्नी।”

रेप्नी, माम्चुनीका दिदाम बेपा जोपा थारी ओम्लोडा सो, सेल्सिक्पा थारी ओम्लोडा सो। †

†५:२० ग्रीक ल्वाडा राजदूत ज्वाक्पा बु।

†६:२ *यशैया ४६:८

पावलकु दुखामिम

३ आकीमा खारीडा सुका वो मेजोपा मुमा मेबेन्कीनु ज्वाक्साका गुकु सुकाम वो लाम्दीडा खेल तुक्पा मेजुल्लु। ४ मेम मेबेसाका, खोत्ले खारीडा गुकु आकी त्वापलाई माम्चुनीकु डुल्चो ज्वाक्साका रेम्बोकु। गुकु दुखाडा, मेभापाडा नुड खेमल्यामु वो मेभापा खारीडा वो गुकु छोम इम्सिसाका बुकु। ५ गुकु याल्ला सोसित्तोको, चला सोसित्तोको मा मुचुमिमलाम मेजोपा बेला सोसित्तोको, ब्राम्दुल्वा बेतोको, सिन्था अम्मु मेल्वाकुवा मा क्रुमडा बात्तोको। ६ गुकु मेख्लोट्पा दुम्साका, थेसिथेसी थेट्पा नेप्चीका, इम्सी नुड न-थोम रेम्बेसीडा, माम्चुनी-पेलडा, आच्छाडाकाम रिखामका, ७ आच्छाडाकाम सिजेम नुड माम्चुनीकु युमका उनीमा खारी बेपा मुचु ज्वाक्साका रेम्बोकु। गुईलाई बोपा-थापो मा क्वाल्बा बेपा इकीमा गिजो-वाजो ज्वाक्सा ने माम्चुनीकु डादोडा जोपा दुम्साका खारी बोमु सो। ८ मुचुमिमका डाक्पु बोकीमी लोवो याक्के बोकीमी लोवो, आकीमा नड कोमी लोवो डकीमी लोवो गुकु माम्चुनीकु लाले-पाडके बोकु। मुचुका गुकुलाई लु-फेलेचो बोकीमी, लावो थोरलुईमिम बुकु। ९ मेछेट्पा मुचु होडडा बोकीमी लावो खोत्लेका छेकीमी। सिमुडा खापा लोवो आथावो गुकु नुपाडा बुकु। याल्तीकीमी लोवो सेत्तिकीमिम मिबु। १० न-गोडा दुखा बु लोवो हेल्लो लोवो भ्रसिक्पा बुकु। गुकु हाम वो मेबाट्पा लोवो हापा मुचुलाई खाप्चीचो दुम्बेट्पा बुकु। हाम वो मेबाट्पा लोवो खोत्लेम थोक बाट्पा बुकु।

११ कोरिन्थडाम ए आमा वा-ल्वाकनी, गुकु हाम वो मेथक्साका ज्वाक्तोकोम बु, ईनीमा लागि आकीमा दाप होसिक्पा बु। १२ गानीलाई गुकु रिखाम मेबोकुमिम मेएँ, लावो गानी ड गुकुलाई रिखाम बोमु डित्तो लक्नीम बु। १३ आमा त्वाकु चोचोमिमनुड होडडा गो ज्वाक्तोडा बेड। गानी वो आकीमा लागि ईनी दाप होर्नी।

थोर मेबेपामिमनुड हेम-खेम मेबोमु

१४ थोर मेबेपा मुचुमिमनुड कोलेँ जुवागोडा मेहुनी। हेडालोने जोपा नुड मेजोपा हेमकेम मेदुम। तुकुम्चिम नुड ओल कोदेप दुम्मु मेचाम्ची। १५ खीष्ट नुड बेलिआलकुँ ल्वा हेसाका घोम्मु चाप्सु मा? थोर लुपा मुचु नुड थोर मेबेपा मुचु हेसाका कोदेप दुम्मु चाम्सी मा? १६ माम्चुनीकु सोरनेम गोडा मूर्तिमिम हेसाका दुम मा? हेल्लो वो मिसिपा माम्चुनी बुमी, मा उनीमा सोरनेम ने गुई डा सो। गुमीका आरेसाका ज्वाम्डिम बुः
“गो मेर्मिमकाडा बुडु
मा मेर्मिम गोडा लाम्दीडु
मा गो मेर्मिमकु माम्चुनी दुम्डु,
मेम्मा मेर्मिम आमा मुचु दुम्मी।”
१७ मेर्मिमका मिप्रडमाका आर ज्वामी,
“मेर्मिमलामका लुक्नीमा बिक्नी
मा मेर्मिमडाम वाड बानी।
मेसेपा हाम वो मेलुप्नी,
मा गो गानीलाई रनीनी।
१८ गो ईनीमा पाप दुम्डु,
मा गानी आमा जाउमो-
तारापाचोमिम दुम्नी,
खोत्लेडाम घल्वापा मिप्रडमाका
ज्वामी।”

१६.१४ मेराम ज्वाक्सा ने खीष्टडा थोर मेलुपामिम होम्साका खारी मेबेनी। खीष्टडा

१६.१५ बेलिआल शैतानलाई ग्रीक ल्वाडा बेलिआल ज्वामी। मेराम ज्वाक्सा ने शैतानकु कोले नड सो।

७ द्वादीबुड डोप्सोनी, याचे जेम्मा अरेप्पाम ल्वामिम गुईनुड बुमिमका मिरोमडाम नुड न-गोडाम मेसेपा ल्वामिमडाम गुई इकी त्वापलाई सेपा दुम्बेडी। मेम्मा माम्चुनीकु डिम जुल्साका छोम सेपा दुम्तो लक्सी।

कोरिन्थीमिमकु खोर्सेसीका पावल भ्रसिड्डाम

२ गुकुलाई ईनीमा न-गोडा बुमु ग्वाक्की। गुकु सुलाई वो मेजोपा बेत्तोकोम मिबु। गुकु सुलाई वो ताडताहेरथो लक्तोकोम मिबु। गुकु लिमा-प्वालेम थेसाका सुकाम हाम वो पेतोकोम मिबु। ३ गानीलाई मुमा बेन्मु लागि गो अरे ज्वाडुमिम मेएँ। गानीलाई डादोडा ज्वाडुडोम बाईडा, गानीलाई गुकु छोम रिखाम बोकु, गानीनुड सिमु वो चाम्कु मा नुमु वो चाम्कु। ४ गानीडला गो छोम थोर लुडुडोम बु। गानीडाम गो छोम आमा नो डोक्यु बेउ। खोत्ले आकीमा दुखाडा वो आमा सो हन्पा बु मा छोम भ्रसिक्पा बुडु।

५ गुकु माकेडोनियाडा रोक्तोकोलो वो डेम्सिमु मेल्वाकुवा। मेसिन्डा बान्तेमेनो गुकु दुखा ल्वात्तोकोम बाईडा, पाखाडा ने रिबुसी किन्मु बासिक्पा मा न-गोडा ने डित्तोकोम बाईडा। ६ लावो न-गो जक्पा मुचुलाई सो हन्बेट्पा माम्चुनीका तीतस रोकतामलामका आकीमा सो हन्बेसाक्तीकीमी। ७ गु रोकतामका कोडडा मेएँ, लावो गानी उमा सो हन्बेसाट्नीमका वो आमा सो हन्डाम बाईडा। गोनुड आथवो घ्रोम्मु इनीमा न बु ए ज्वाक्साका गुका गुकुनुड सोयुडु। डादो गानी र्लोटिन्म ल्वाकु दुथाम खोर्सेट्नी मा गोलांम बासीट्नीमा जेन्नीम ल्वाकु दुथाम वो सोयुडु। गो ओर्मिम खोत्ले ल्वा थोउतोमा छोम भ्रडिसड्डो।

८ गो थुर्तोम सेलाखाजेमका ईनीमा न नोडा लोवो गो मेखोर्सेडी। गो

खोर्सेड्डी लोवो आमा सेलाखाजेमका घरिकोड ईनीमा न नोबेडु ज्वाक्पा गो चक्पु। ९ ईनीमा न नोबेतोमका मेएँ, लावो न नोपा ल्वाकाडा गानी ईनीमा छुललामका माम्चुनीथो र्लोसिट्नीमका गो गेर्सिद्वाक्पा बुडु। माम्चुनीकु न होम्साका ईनीमा न नोडाम सो, मा मेम्मिमका गुकुलामका गानीलाई हाम वो मेजोपा मेदुप्सावा। १० माम्चुनीकु न होम्साका न नो माला ने ओरामका मुचुलाई सेल्सिमु लागि उमा छुललाम माम्चुनीडा र्लोबेडु। मेम्मिमका ओरामका सुलाई वो मेखोर्सेडु। लावो सुम्दीसेरडाम ल्वाका न नो माला ओरामका सिमुलाम रेडु। ११ माम्चुनीकु न होम्साका इनीमा न नोडाम ल्वाका गानीगोडा हाम बुडुम बु ज्वाक्पा मिम्नी। ओराम ल्वाका गानीगोडा त्वापलाई आच्छाडा जोपा बोमु माल्पा हाडकोम ईनीमा न, मेम्मा हाडकोम छोक्यो, हाडकोम डिम, गोनुड घ्रोम्मु हाडकोम न, हाडकोम ईनी पाउ मेसोकपा, छुल बेपालाई देन्दे ग्वाक्पा हाडकोम न रेडुडुम बु। खोत्ले ल्वाडा गानी ईनी त्वापलाई हाम वो मेर्लोट्पा रेम्बेन्निम बु। १२ कोडनिमका मेजोपा खारी बुडुमका मा कोडनिमकु न नोडामका गो मेराम सेला खाजेम ज्याक्तोम मेएँ, लावो गानी आकीमा दुथाम हाडकोम न सोनीमिम बु मेराम माम्चुनीकु डादोडा गानी ईनी त्वाकाडा रेम्मु चाम्नीनु ज्वाक्साका ज्याक्तोम। १३ ओर्मिम खोत्लेका आकीमा सो हन्डाम बु।

आकीमा सो हन्बेट्निमका कोडडा मेएँ, लावो गानी खोत्लेका तीतसकु सो हन्बेसाट्नीमा गेर्सीबेट्नीमका गुकु वो छोम भ्रसिट्पा बुक। १४ ईनीमा दुथाम गो तीतसनुड डोक्यु ल्वा बेउतोम बाईडा, मा ओराम ल्वाडा गो डाली डमु बासिक्पा मेदुबेट्दिनीवा। गो गानीनुड हेल्लो लोवो आच्छाडाकाम ल्वा सोउतोम

बाईडा। मेम्साकाडा गो तीतसनुड डोकपु
ल्वा बेउतोम वो आच्छाडा रोक्थिड्डा।
१५ गानी डिमका रुत्तो तीतसलाई रन्नी
मा गुका ज्वाक्ताम होम्साका गानी
खोत्लेका बोमु बिन्सिट्नीम मिम्डुमा
गुका गानीलाई बेन्नीम रिखाम आथावो
हापा बर्तो लस्ताम बु। १६ गानीडला
जोहोमका थोर लुमु चापुमिमका गो
गेर्सिद्वाडु।

ग्वा-ग्वा द्वाक्पा ननुडमा दुम्मु सो हन्बेसी

८ ग्वा-ल्वाकनी, माकेडोनियाडाम
मण्डलीमिमलाई माम्चुनीका
ग्वाम्डिम दिदामकु दुथाम गानीलाई
थोबेन्नु आकीमा न बु। २ छोम इम्मु
मेचाप्पीवाम दुखाडा वो छोम भ्रम्सिम्डी
मा मेर्मिमनुड हाम वो मेबायावा लोवो
छोम ग्वा-ग्वाद्वक्पा नका मेर्मिमका
ग्वाम्डी। ३ गो मेर्मिमकु दुथाम सोउ,
मेर्मिमका ग्वामु चापाडाम वो हापा
उनी त्वाकु ग्वा-ग्वा द्वाक्पा नका
ग्वाम्डी। ४ यहूदियाडा बाट्पा माम्चुनीकु
मुचुमिमलाई र्लोमु ल्वाकुनु ज्वाक्साका
गुकुनुड मेर्मिमका छोम ज्वाम्डी। ५ गुकु
मेर्मिमलाम ल्वापा न बेत्तोकोमडाम वो
हापा मेर्मिमका बेम्डी। डादो मेर्मिमका
उनी त्वापलाई डाचो येशूकु ल्वाडा
ग्वाम्डी। मेम्मा माम्चुनीकु न होम्साका
उनी त्वापलाई डा आको ल्वाडा
ग्वाक्तिकी। ६ मेम्मिमका तीतसका डादो
आथामडा गानीगोडा ईनीमा रिखामकु
ग्वा-ग्वावा फक्पा ओराम खारी बोमु
चोम्डुमका, ईनीमा ग्वा-ग्वावा फक्पा
खारी गानी बेन्सोट्नी ज्वाक्साका
सो-हन्बेसामु लागि गुकु गुलाई छोम
ज्वाक्तोको। ७ गानी थोरडा, सीसिडा,
नेप्चीडा, वाडमिमलाई र्लोमु सो-
हन्पा नुड गुकुडलाम ईनीमा रिखाम
बेसीडा खोत्लेडाम जोपा दुम्तो लक्निम

बु। आरेसाकाडा वाडमिमलाई बोमु
बासिक्पा न-थोमनुडमा खारीडा वो
खोत्लेडाम जोपा दुम्नी ज्वाक्पा न बेउ।
८ गानी बोमुडा बासी ज्वाक्साका गो
ज्वाडडोम मेएँ, लावो वाडमिमकाम
र्लोमु सो-हन्सीनुड थोप्साका ईनीमा
रिखाम वो आच्छाडा डे मेएँ ज्वाक्साका
रेम्मु लागि गो आरे ज्वाडडोम सो।
९ ईकीमा डाचो येशू ख्रीष्टकु डोकपु
दिदाम ने गानी चनीम बु। गुमी पाहिलाम
बाट्पा जोल्सिक्पा बाम्डी, लोवो उनीमा
हाम वो मेबाट्पा दुम्सीका गानी बाट्पा
जोल्सिक्पा दुम्नी ज्वाक्साका गुमी उनी
हाम वो मेबाट्पा दुम्मिडी।

१० ओराम ल्वाकु दुथाम आमा न
आरेप्पाम बु: माम्था आथाम गानी
ग्वामु चोम्निम ग्वा-ग्वावा ग्वामु चोम्नीम
खारी ओम्लो बोम्सोमु जोपा दुम। गानी
मेराम खारी बेपा न बेन्निम कोडडा
मेएँ, लावो खारी बोमुडा वो खोत्लेडाम
डादो बान्नी। ११ ओम्लो मेराम खारी
बेन्सोट्नी। मेम्लो गानी छोम ग्वा-ग्वा
द्वाक्पा बान्नीमका आथाने इनी चाप्सी
ग्वाक्साका मेराम खारी बेन्सोट्नी।
१२ ईनीमा छोम ग्वा-ग्वाद्वक्पा न
बु माला गानीनुड हाम बु मेरामडा
ग्वानीलो माम्चुनी गेर्सिद्वामी। मुचुनुड
मेबाट्पा ने ग्वामु ज्वाक्पा गुमीका न
मेबोमी। १३ गानी हापा ग्वाक्नी मा
गानीनुड ने किचो कोडडा दुम्मु मा दुखा
ल्वानी ज्वाक्पा आमा न मेएँ, लावो
खोत्लेकाम दुखा कोहोप्पामडा मिम्नीमा
र्लोबेनी ज्वामु मालुमिम कोडडा सो।
१४ ओम्लोम थारीका गानीनुड बाट्पा
हापाका मेर्मिमकु खेरेलाडा र्लोयुनु,
मा दिफु मेर्मिमनुड बाट्पा हापाका
ईनीमा खेरेलाडा र्लोयुनु। आरेसाका
कोलेका कोडमीकु खेरेला त्वाकु खेरेला
होप्पाम मिम्नुमा र्लोयुनु। १५ माम्चुनीकु
सिजेमडा ज्याक्मा बु, “हापाकोलोड

खोपानुड मेघलेसावा, मा कतिकलड खोपानुड वो मेलिङ्पा मेदुप्सावा।”

तीतस नुड उमा डोप्सोमिम

१६ गो ईनीमा दुथाम बेउमिम मिम्ताम-सोर्तामडा माम्चुनीका तीतसकु न-गोनो जुल्साम्डी। मेम्मिमका गुमीलाई आलासो ज्वाडु। १७ तीतसका गुकु ज्वाक्तोकोम बिसिङ्गडाम कोडडा मेएँ, लावो गु उ त्वाकामडा वो छोम सो हन्डामा उमा नकाडा ईनीमाडा रोकतोडा लेडु। १८ गुनुड कोले ल्वाकलाई वो गुकु थुतोडा लेन्कु, मेराम ल्वाक ने जोपा-सला थोबेन्मुडा खोल्ले मण्डलीका उमा नड कोम्डिम सो। १९ मेकोति कोडडा मेएँ, लावो मेराम ल्वाक ने भेटी सोक्थट्पा खारी बोमुडा र्ल्लोकीनु मा गुकुनुडडा यरुशलेम लनु ज्वाक्साका मण्डलीमिमका थुटिमडिम सो। गुकु डाचोकु नड कोमु लागि मा वांडमिमलाई र्ल्लोपा जोपा खारी बोम्सोमु लागि ओराम खारी बोकु। २० ओराम भेटी ग्वाक्साका र्ल्लोकुमिम खारीडा गुकुलाई सुका वो मुमा मेबेन्कीमीनु ज्वाक्साका गुकु जोहोमका ओराम खारी बोकु। २१ हेडालोने गुकु डाचोकु मिकसीलामडा कोडडा मेएँ, मुचुमिमकु डादोडा वो जोपा खारी बोमुडा चडको-चडको दुम्कु।

२२ मेम्मा कोले ल्वाक वो मेर्चिपनुडडा थुतो लेन्कु। गुलाई गुकु हापा खेप छाम्तोको मा खोल्ले खारीडा उमा सो हन्पा डार्तोको। ओम्लो गानीडला गुका छोम डोक्पु थोर बुडुमका उमा आथावो हापा सो हन्डाम बु। २३ तीतस ने आमा डोप्सो मा गोनुड कोयोडा गानीलाई र्ल्लोपा मुचु सो। मेम्मा कोडमी नले ल्वाक ने मण्डलीका थुर्मीमीडिचिम मा ख्रीष्टकु नड कोक्पाचिप सो। २४ गानी मेर्मिमलाई त्वाकु रिखाम रेम्बेनी, मा गुकु

हेडा ईनीमा दुथाम नो ल्वाथाम्कुमिम रेछा ज्वाक्साका मण्डलीमिमका ल्वामु चाम्मीनु।

यरुशलेमडाम

थोरलुपामिमलाई र्ल्लोम्डिम

६ यरुशलेमडा बाट्पा माम्चुनीकु मुचुमिमलाई ग्वामु भेटीकु दुथाम गो गानीलाई ज्यामुम बुमु मेबासो। २ हेडालोने र्ल्लो-र्ल्लो द्वाक्पा ईनीमा न गो चक्पु। माम्था आथामडा अखैयाडाम गानी थोर लुपामिमका भेटी थुर्मु खाम्नीमिम बु ज्वाक्साका माकेडोनियाडाम मण्डलीमिमनुड ईनीमा दुथाम डोक्पु ल्वा बेउतोम बु। मेप्पाम ईनीमा नका मेर्मिम गोडाम हापाकाम सो हन्डाम बु। ३ ओराम ल्वाकु दुथाम ईनीमा लागि गुकु बेत्तोकोम डोक्पु ल्वा लिमा मेदुम्नु, मा गानीलाई बेबेट्निनम होम्साका गानी भोम्जोल्सिट्नी ज्वाक्साका ओम्लो ल्वाकमिमलाई थुतोडा लेट्पु। ४ माकेडोनियाडाम थोर लुपामिम गोनुड मेसिन्डा रोकुलो गानी भोम्सिट्नीम मेबायावा माला गानीडला छोम थोरलुतोकोमका आकी क्रोम लु मा ईनीमा वो क्रोम लु। ५ मेम्मिमका गानी ग्वाकु ज्वाक्निम भेटी ग्वामु लागि भोम्जोल्सिट्नी ज्वाक्साका डादोडा मे ल्वाकमिमलाई ईनीमाडा थुर्मु जोपा लुडडो। आरेसाका मेराम भेटी ग्वा-ग्वा द्वाक्साका ग्वाक्मा दुम्नु, ग्वा-ग्वा मेद्वाक्तो मेएँ ।

हापा फोट्पाका हापा ल्वासु

६ ओराम ल्वा मिम्नी वो: कि-कि भ्रल फोट्पाका किकिडा फकु, मा हापा भ्रल फोट्पाका हापाडा फकु। ७ खोल्ले मुचुका उ नडा हाडको ग्वाक्पु ज्वाक्ताम बु मेकोतिडा ग्वाक्नु। ग्वा-ग्वा मेद्वाक्साका मेएँ मा ग्वामुडा

बासी ज्वाक्साका वो मेएँ। हेडालोने
गेर्सिक्तो ग्वाक्पा मुचुलाई माम्चुनीका
रिखाम बोमी। ८ माम्चुनीका गानी
चाहेबोनीमिमडाम वो हापा जि-वा ग्वामु
चाम्नीमी। मेम्मा गानीलाई हामकाम वो
खेरेला मेदुम, मेम्मिमका गानी जोपा खारी
खोत्ले बोम्सोमु चाम्नी। ९ माम्चुनीकु
सिजेमडा अरेसाका ज्याक्मा बु,
“गुका फोडु मा उनी हाम वो
मेबाटपामिमलाई ग्वाकुमी,
गुका बुडुम जोपा खारी हेल्लो लोवो
दुमहोम बु।”

१० फोन्मु लागि भ्रल नुड पोमुथोक
माम्चुनीका ग्वाक्सामी। मेम्मा गानी
चाहेबोनीमिम खोत्ले भ्रल गुमीका
ग्वानीमी मा ल्याबेन्मी, मा ग्वा-ग्वा
द्वाक्पा ईनीमा न-गोका ग्वानिमका
ईनीमा जोपा खारी बेसीडा गुमीका
बर्बेत्तो लनीमी। ११ गानी छोम ग्वा-ग्वा
द्वाक्पा दुम्मु लागि माम्चुनीका गानीलाई
खोत्लेडा लिट्पा-पेपा दुम्बेनीमी। मेम्मा
ईनीमा र्लोपा नका ग्वानिमिम मेराम गुकु
वाडमिम मण्डलीडा दोकुलो मेर्मिमका
माम्चुनीलाई आलासो ग्वामी। १२ ओराम
ईनीमा र्लोपा खारीका माम्चुनीकु
मुचुमिमकाम खेरेलाडा र्लोयुमिम
कोडडा मेएँ लावो माम्चुनीलाई आलासो
ग्वाक्पा न ओरामका हापा रेडु। १३ गानी
बोनीमिम ओराम ग्वाक्पा खारीकु
दुथाम मेर्मिमका माम्चुनीकु नड कोमी।
हेडालोने मेर्मिमलाई नुड वाडमिम
थोरलुपामिमलाई ईनीमा ग्वा-ग्वा
द्वाक्पा नका ग्वाकनीम ल्वाका
ख्रीष्टकु जोपा-सेलाका ज्वाक्ताम
होडडा गानी बुनी-दोनीमिम रेम्बु।
१४ मेम्मा माम्चुनीका गानीलाई आकोम
डोकुपु दिदाम ग्वाक्नीमिमका मेर्मिमका
गानीलाई छोम रिखाम बेसाका ईनीमा
लागि सोम्दी बोमी। १५ ज्वामुडा

मेभापा हापा थिकु राप्लावाकाम लागि
माम्चुनीलाई आलासो दुम्मु।

पावलकु साखाम डाचोलाम रोकताम सो

१० गो पावल, गानीनुड बुडुलो
याक्के दुम्डु ए, लावो गानीडाम
होनेवा बुडुलो मोडिपा दुम्डु ए ज्वाक्पा
ल्वा गानीगोडा बोमी ए। ख्रीष्टकु
याक्के दुम्सीलाम नुड मेक्रोक्पा
दुम्सीलाम गो गानीलाई छोम ज्वाडु।
२ गो गानीलाई छोम ज्वाडु, गो ईनीमाडा
रोडुलो मेडिसाका भुर्मु बासिक्पा ल्वा
बोमू मेबासीनु। मेराम मेडिसाका भुर्मु
बासिक्पा ल्वा ने गुकुलाई ओराम
सुम्दीसेरडाम मेजोपा नका खारी बोत्तोडा
लनी ज्वाक्पा मुचुमिमनुड गो बेपा मुलु
बेउतोम बु। ३ गुई सुम्दीसेरडा बुई लोवो
सुम्दीसेरडाम मुचुमिमका होडडा गुई
क्वाल्बा बिईहोम मेबुई। ४ गुई क्वाल्बा
बिईमिम गिजो-वाजो ने सुम्दीसेरडाम
मुचुमिमका मोकपा गिजो-वाजो मेएँ।
गुई मोकथालीमिम माम्चुनीकु युमनुडमा
गिजो-वाजोका ने खिमा खाम वो
छोरोप बु। ओराम गिजो-वाजोका
हाम ना हामकु रिबुसी ल्वा दाम्बेडु।
५ मुचुमिमका माम्चुनीलाई छेमुडाम वाड
बेपा खोत्ले डोकुपु लिसिक्पा ल्वालार्इ
गुकु ओराम गिजो-वाजोका पुयुलुकु।
मेर्मिमकु नगोडा बाट्पा खोत्ले मेजोपा
ल्वामिम ओराम गिजो-वाजोलामका
गुकु आकीमा साखामगोडा जुल्कु मा
ख्रीष्टका ज्वामीमिम होडडा मेर्मिमलाई
बेबेन्कुमी। ६ गानी माम्चुनीका ज्वामीमिम
होडडा बेपा दुन्नीमिम चडडा गुमीका
ज्वामीमिम होडडा मेबेपा खोत्लेलाई
गुकु देन्दे ग्वाकु।

७ गानी ने ईनी मिक्सीलामडा
बाट्पा कोडुडा रेम्नी। कोडिनम
मुचुका गो ने ख्रीष्टकाम ज्वाक्साका
जोहोमका थोरलुडाम बु माला, गुकु

वो गु होप्पाम डा ख्रीष्टकाम सो
 ज्वाक्पा गुका ल्वा मिम्नु। ८ डाचोका
 गुकुलाई ग्वाक्विकीमिम ओराम
 साखाम गानीलाई पुयूलुबेन्मु मेएँ,
 लावो जोपा बोमु लागि सो। ओराम
 साखामकु दुत्थाम गो छोम डोक्पु
 लिसीडडा लोवो आमा क्रोम मेलु। ९ गो
 गानीलाई ज्याक्तोम सेलाखाजेमिमका
 गानीलाई डिमसान्मु माल्नीनीम मेएँ।
 १० "पावलकु सेलाखाजेमिम डिम
 लुपा नुड आच्छाडा नडा लक्पा बुमी,
 लावो गु उ त्वाप रोलो ने हाम वो बोमु
 मेचापा मा मेरामकु सिजेम हाम ना
 हामकाम दुम्" ज्वाक्साका कोडकोडका
 ज्वामी। ११ आरेप्पाम मुचुमिमका ओराम
 ल्वा चमीनु, गुकु मेसिन्डा मेबुकुलो
 सेलाखाजेमडा हाम ज्वाक्, गुकु मेसिन्डा
 बुकुलो वो मेरामडा खारी बोक्कु।
 १२ त्वाक् नड त्वाकाडा काक्पा
 याड मुचुमिमनुड गुकु आकी त्वापलाई
 कोलेडा ज्वाक्पा मिम्मु नुड थोम्मु
 सामाका मेफारु। मेर्मिम उनी त्वाका
 बनेबेम्डिम थोप्सी होम्साकाडा उनी
 त्वाका त्वापलाई छाम्साका जुल्मी मा
 त्वाकाडा त्वापलाई थोप्पी माला मेर्मिम
 मुचु नेप्ची मान्थिम दुम्मी! १३ माम्चुनीका
 बेबेतिकिमडाम होनोवाम ल्वाडा
 गुकु डोक्पु मेलिसिन्कु। माम्चुनीका
 गुकुलाई ईनीमाडा रोक्साका ओराम
 खारी बेबेतिकिमिमि बु, गुकु ओराम
 खारीकु दुथाम कोडडा डोक्पु लिसिन्कु।
 १४ ईनीमाडा रोमुडा मेरोक्कुवाम होडडा
 बेसाका गुकु आकी त्वापलाई गेले
 कोक्साका डोक्पु मेलिसिन्तोकोम मिबु।
 खोत्लेडाम डादो ईनीमाडा ख्रीष्टकु जोपा
 सेला रेट्पा गुकु डा सो। १५ वाडमिमका
 बेम्डीम खारीडा गुकु आकी त्वाका
 बेत्तोकोम ज्वाक्साका डोक्पु मेलिसिन्कु।
 लावो इनीमा थोर बर्तो ललो गानीगोडा
 दुम्पा आकीमा खारी वाडमिम खोमथो

वो बर्तो लनु ज्वाक्पा आकीमा न बु।
 १६ मेम्साका गुकु ईनीमाडाम होनोवाम
 खोममिमडा जोपा सेला थोबेन्मु चाम्कु।
 हेडालोने वाडमिम मुचुमिमका डादोडा
 बोम्सोमु दुम्मिडिम खारीडा डोक्पु
 लिम्सिमु आकीमा न मिबु। १७ माम्चुनीकु
 सिजेमडा वो ज्याक्पा बु, " डोक्पु
 लिसिक्पाका मिप्रडमाडाडा डोक्पु
 लिसिनु।" १८ हेडालोने त्वाका त्वाक् नड
 कोक्पा मुचुलाई सुका वो जोपा मेमिम्डु,
 लावो डाचोका नड कोम्साप्पीमिम
 मुचुडा जोपा दुम।

पावल नुड थुर्मा लिसिक्पामिम

११ गो किचो नेप्ची मान्थिम
 दुम्साका ज्वाङुलो गानी ईम्नी
 ज्वाक्पा आमा न बु। आच्छाडा गानी
 मेम्साका ईम्सिटनी। २ माम्चुनीका इनीमा
 दुथाम हेल्लो लोवो मिम्ताम-सोर्ताम
 बेन्नीममिम होम्साका गो वो ईनीमा
 दुथाम मिम्ताम-सोर्ताम बेउ। सेपा लारेमा
 होप्पाम गानीलाई कोलेडा लारेपा
 ख्रीष्टनुड लालीकुन्दा बोन्साननीनी
 ज्वाक्साका गो याचे जेडडोम बु।
 ३ ब्लोका उमा मेजोपा नका हब्बालाई
 वायम डस्तुम होडडा ख्रीष्टडलाम
 सेपा नुड आच्छाडाकाम रिखाम बेपा
 ईनीमा न ताडताहेरथो ल डे ज्वाक्पा
 आमा डिमलुडाम बु। ४ कोडनीम मुचु
 ईनीमाडा रोम्डीमा गुकु ज्वाक्तोकोमडाम
 वो वाडमीडा येशुकु दुथाम सोम्डी माला
 गानी गेसीद्वाक्तो थोनी रेछा। डादो
 गानी ल्वान्निम पेल नुड जोपा-सेलाडाम
 वो वाडमीडा पेल नुड वाडमीडा
 सेला गानी जोहोमका डा रनी रेछा!
 ५ त्वापडा डोक्पु दुम्पा मे थुर्मामिम
 लिसिक्पामिमडाम गो किक्किम वो याक्के
 मेबुडु। ६ गो जोहोमका जेमु मेथेट्पा बुडु
 लावो गोनुड नेप्ची बु। ओराम नेप्ची गुकु

हेल्लो लोवो खोत्ले खारीडा गानीलाई जोहोमका रेम्बेतोकोम बु।

७ माम्चुनीकु जोपा-सेला गानीलाई हाम वो मेरसाका मेरेडा थोबेटिननीमा गो आ त्वाप याक्के दुम्डोडो मा गानीलाई डोकपु दुम्बेटनीनी। हाम आरे बेउतोमका गो छुल बेउतो? ८ गो ईनीमा चापेडुपे बोमु लागि वाडमी मण्डलीलामका खउलुङ रउतो। मेराम ने गानीलाई र्लोम वाडमीमिम मण्डलीकु खउलुङ गो रंतोमिम होप्पाम दुस्ता। ९ गो गानीनुड बाडडोलो खेरेखेरे दुम्डोडोम बाइडा, लोवो गानी सुलाई वो दुखा मेग्वानिनिवा। गो खेरेखेरे दुम्डाडोलो माकेडोनिया क्षेत्रलामका रोकपा थोलुपामिमका गोलाई हाम चाहेदुस्ताम मेराम ग्वाडिडमी। मेमिमका ओराम ल्वाडा गो गानीलाई हेल्लोवो दुखा मेग्वानीनीवा मा दिफु वो दुखा मेग्वानिनी। १० ख्रीष्टकु आच्छाडाकाम ल्वा गोनुड बुमीमका गो ज्वाडु, आरेप्पाम ल्वाकु दुथाम डोकपु लिसिमुडा अखैया इलाकाडाम सुका वो गोलाई भोम्मु मेचाम्डीमी। ११ हेडा गो आरे बेउतोम? गो गानीलाई रिखाम मेबोनीमिमिमका मा? गो गानीलाई रिखाम बोनीनी ज्वाक्पा ल्वा माम्चुनीका चमी।

१२ गो बेउतोम खारी बेउहोमडा बुडु। मेम दुस्तामका मे उनी त्वाकाडा काम्सीक्साका थुर्मा लिसिक्पा मुचुमिमका गुकु होप्पामडा खारी बेतोको ज्वाक्साका डोकपु लिम्सिमु मेल्वामी। १३ आरेप्पाम मुचुमिम ने थुर्मा लिसिक्पामिम नुड लिमा थंसाका खारी बेपामिम, मा ख्रीष्टकु थुर्मामिम होप्पाम ल्वाल्लासोसिक्पामिम सो। १४ ओराम ईकीमा लागि डाडाया दुम्बेट्पा ल्वा मेएँ। शैतानका वो ओलडाम पाह्नीचो होडडा लिम्सिमु चाप्सु। १५ मेमिमका शैतानकु डुल्चोमिमका वो माम्चुनीकु न होप्पाम डुल्चो होडडा रेम्बेबोसिक्पा ल्वाडा डाडाया दुम्मु मेबासी। मेर्मिम ने

हाम ल्वामुका घेट्पा बुमी मेराम दिफु ल्वामी।

पावलका उ दुखामिमकु दुथाम धक्ची ह्वाकुमिम

१६ गो आथावो ज्वाडु, सुका वो गोलाई नेप्ची मान्थिम मेमिम्डीमीनु। लावो गानी गोलाई नेप्ची मान्थिम मिम्डीनी माला वो नेप्ची मान्थिमडा मिम्साका गोलाई रडीनी, मेम्मा गो वो किचो डोकपु लिसिमु ल्वाउनु। १७ मेम्माम डोकपु लिसीसी ने डाचोलामिमिम मेएँ, लावो ओम्लो गो नेप्ची मान्थिम मुचु होम्माम दुम्साका जेतोडा बेउ। १८ हापा मुचुमिमका सुम्दीसेरडाम बेसी होडडा डोकपु लिम्सिम्डीमका गो वो डोकपु लिडिसडु। १९ नेप्ची मान्थिम मुचुमिमकु ल्वा गेसिंद्वाक्तो थोप्साक्पा गानी हाडको छोम नेप्चीनुडमा मुचुमिम! २० कोडनीम मुचुका गानीलाई डुल्चो होडडा बोनी लावो ईनी खउलुङ पोन्सानी लोवो पेरडा फिनीमी लोवो गानीलाई डनीमी लोवो ईनी कलडा फोनीमी लोवो गानी ईम्नी रेछा। २१ ज्वामु क्रोम लुपा लोवो गो सोमु बास्ता, गुकु छोम डिजोल्पा दुम्तोकोमका मेर्मिम होडडा बोमु मेचाप्कुवा!

मेर्मिमका उहेम ल्वाडा डोकपु लिसिमी आथावो गो वो नेप्ची मान्थिम दुम्साका मेराम ल्वाडा डा डोकपु लिसीडु। २२ हाम मेर्मिम हिबू? गो वो हिबू डा। हाम मेर्मिम इसाएलीमिम? गो वो मेडा। हाम मेर्मिम अब्राहामकु चो चुसुमिम? गो वो मेडा। २३ हाम मेर्मिम ख्रीष्टकु डुल्चोमिम? गो नेप्ची मान्थिम होडडा जेतोडा लेटपु। गो मेर्मिमडाम हापा जोपा डुल्चो। गो हापा ब्राम्दुल्वा बेउतो। हापा खेप चसिडडोमा बाडडो। हापा इम्मु मेचापा बेसाका कोक्तेकु रिबाका याल्ला सोसिडडो। हापा खेपडा ज्वाप्पा सिडडो। २४ यहूदीमिमका सुक-गु(३६)

खेपकु याल्सी कोक्तेकु रिबाका गोलाई डो खेप याल्डीरीमी। ^{२५}सुक-खेप गोलाई डुलुम्चोका याल्डिडीमी, को खेप लुडका ओण्डीडीमी, गो हुडडोम डोकपु कुबीबोकसा सुक खेप भस्ता। को खेप ने कोलेम नुड को सिन्था दिरिदिनडा वो बाडडो। ^{२६}गो हापाखेप दुपा लाम्दी लाम्दीडडोलो ब्लोकुडाम, खेचुवामिमडाम, आमा त्वाकु सामा यहूदीमिमडाम, वाडसामामिमडाम गोलाई हापा डिम बाइडा। शहरडा,† सोब्दीडा, दिरिदिनडा मा थोरलुपा लिसिक्वामिमडाम वो हापा डिम बाईडा। ^{२७}गो छोम मेभापा नुड घुम्पा खारी बेउतो मा हापा खेप मेअम्डुवा। गो क्रूम कोडा सिडडो मा हापा खेपडा पौमुडुमु मान्थिम दुम्डोडो। ये-सेम मान्थिम दुम्डोडो मा जुका क्रोन्डीडी। ^{२८}ओर्मिमडाम वो वाडमिम ने खोत्ले मण्डलीमिमकु दुथाममिम मिम्ताम सोर्ताम गो हेल्लो लोवो इम्थाक्पुमिम बु। ^{२९}कोडनिम मेचापा दुम माला गो वा मेचापा दुम्डु। कोडनिम मुचुका कोडनीमलाई छुल बेबेडु माला गो छोक्योका मु होप्पामडा दुम्डु। ^{३०}गो डोकपु लिसिमु बासी माला वो गो मेचापा बुडु ज्वाक्पा रेम्बोमु लागि डा डोकपु लिसिडु। ^{३१}डाचो येशूकु माम्चुनी नुड पापकाम हेल्लो लोवो नड कोसीनु, गो लिमा मेथेट्पु ज्वाक्पा ल्वा गुमीका चमी। ^{३२}गो दमसकस शहरडा बाडडोलो हप अरितसकु साखामचोका गोलाई चुम्बेन्मु लागि सिपाहीमिमलाई शहरकु लाम्चोको लाम्चोकोडा लन्बेडुडुमिम बाईडा। ^{३३}लावो आमा डोप्सोमिमका शहर खिर्मा ब्रोनुडकु कोले दोचिमलामका तोफ्रिमगायु

फिक्साका गोलाई पाखायु र्लुडिडमी, मेम्मा गो मेर्मिम साखामचोडाम स्वाडडो।

पावलका मिक्सीलाम ल्वास्तुम नुड उ मिरोमडाम चु

१२ आमा लागि हाम वो जोपा मेबु लोवो गो धक्ची डोकपु बोमुडा बासी। डाचोलामका ल्वाउतोम मिक्सीलाममिम नुड गुमीका रेम्बेटिडडीमिम ल्वामिमकु दुथाम गो सोड। ^२ख्रीष्टडा थोरलुपा कोले मुचुलाई गो छेपु, को-ब्ल(१४) थ डादो गुलाई माम्चुनीका †खोत्लेडाम येप्पा पाह्रीला कोम्डी। गुलाई मिरोमडा लम्डीम डे पेलडा डे लम्डी मेराम गो मेचक्पु, माम्चुनीका चमी। ^३पाह्रीला कोम्डिम ओराम मुचुलाई गो छेपु, मिरोमडा डे पेलडा डे लम्डी मेराम गो मेचक्पु, लावो माम्चुनीका चमी। ^४गुलाई माम्चुनीका पाह्रीला कोम्डीमा मेसिन्डा मुचुकु सिका ज्वामुडा मेचापा नुड मुचुका सोसी मेनुपा ल्वा गुका थोस्तु। ^५गो ओराम मुचुकु दुथाम डोकपु लिसिडु। लावो आमा दुथाम ने गो मेचापा बुडुमिम ल्वाडाम वाडमीम ल्वाडा डोकपु मेलिसिडु। ^६गो डोकपु लिसिमु मालु माला वो गो नेप्ची मान्थिम मेदुम्डु, हेडालोने गो आच्छाडाकाम ल्वा जेतोडा लेट्पु। लावो गो डोकपु मेलिसिडु, मा गो हाम बेउ, हाम ज्वाडु मेरामडाम वो डोकपु सुकावो गोलाई मेलुमिनु। ^७माम्चुनीका गोलाई रेम्बेटिडरीमिम हेल्लो वा मेल्वाम्मा ल्वाका गो डोकपु मेलिडिसिडुनु ज्वाक्साका माम्चुनीका आमा मिरोमडा चु ग्वाडडीमी। ओराम शैतानकु सेलाचो बाइडा, ओरामका छोम आमा थोम तेर्सु मा गोलाईलाई डोकपु लिसिमु मेग्वाडी। ^८गो ओराम

†११.२६ ग्रीक बाइबलडा सोब्दीलाई हाम वो मेबाट्पा ज्याडगो-ज्याडगो ज्वाक्साका ज्याक्मा बु।

†१२.२ कोले मुचु मेराम मुचु पावल उ त्वापडा सो

†१२.२ खोत्लेडाम येप्पा पाह्री ग्रीक बाइबलडा सुक तलालाम पाह्री ज्वाक्साका ज्याक्मा बु।

हेम्सीनु ज्वाक्साका डाचोनुड सुकखेप गो छोम ज्वाडडो। ६ लावो गुमीका गोलाई ज्वाम्डी, “ईमा लागि आमा दिदाम हापा बु। ईमा मेचाप्सीडा आमा युमका खारी बु।” मेम्मिमका ख्रीष्टकु युम गोडला दुम्नु ज्वाक्साका आमा मेचाप्सीडा गो छोम गेर्सीद्वाक्तो आमा धक्ची ह्वाक्पु। १० मेम्मिमका मेचाप्सीमिमडा, डसीसीमिमडा, दुखामिमडा, थोमतेसीमिमडा, इम्मु मेभापा ल्वामिमडा ख्रीष्टकाम लागि गो गेर्सीद्वाडु। हेडालोने गो मेचापा दुम्डुलो गो सो नुडमा दुम्डु।

कोरिन्थीमिमकाम लागि पावलकु मिम्ताम-सोर्ताम

११ गो आ त्वाकाडा त्वापलाई नेप्ची मान्थिम दुम्बेतोम बु। गानीडा गोलाई आरेप्पाम दुम्बेट्टिडरोनी। गानी आमा नड कोमुबासिकपा बाईडा। हेडालोने गो हाम वो मेएँ लोवो “डोकपु-डोकपु थुर्मािमम” डाम गो याक्के मेबुडु। १२ गो गानीगोडा छोम इम्मिक्साकानुड हापा छेखोपमिम, हेल्लो वो मेल्वाम्मा नुड युमनुडमा खारीमिम बेसाका गो येशू ख्रीष्टकु थुर्मा ज्वाक्पा ल्वा रेम्बेट्टिनिम बु। १३ गोलाई वाडमिम मण्डलीमिमका र्ल्लोमु लागि ग्वाडडीमिम खउलुड गो रउतो, लावो गानीनुड र्ल्लोला मेसोसीक्डुवा। खउलुड मेरउवा। गानीनुड ओराम ल्वाडाम वाडमिम मेजोपा बासी-दोसी हाम बेउतो मा? ओराम गो र्ल्लोत्तोम डा ज्वाक्पा गानी मिम्नी माला गोलाई पाचो ग्वाडनीनी!

१४ ओम्लो गो इनीमाडा रोमु खाप्तोम बु। गो इनीमाडा रोडुमिम ने ओरामनुड सुक-खेप दुम। लावो गो गानीनुड हाम-हुम बिंसाका दुखा मेग्वानीनी। गो बिडमिम ल्वा ने ईनीमा खाप्ची मेएँ, गानी इनी त्वाप डा सो। माम-पापकाम लागि चोमिमका मेएँ, लावो चोमिमकाम

लागि डे माम-पापका खउलुड फुसाका जुल्मुबासी। १५ गानीलाई जोपा दुम्नु ज्वाक्साका गोनुड बाट्टपा खोलेमथाक गेर्सीद्वाक्तो ग्वानीनी मा गो आ त्वापलाई डा वो ग्वानीनी। गो गानीलाई ओकोति छोम रिखाम बोनीनी माला गानी ने गोलाई कि-कि कोडडा रिखाम बोडिनी मा?

१६ गो गानीलाम खउलुड मेबिउवा, मेराम ल्वा गानी वो चनी। लावो गो बाछेन्दा लिसिडडोमा गानीलाई वायम डक्नीनी ज्वाक्साका याड याडका ज्वामी। १७ गो ईनीमाडा थुर्तोमिम कोडनिम मुचुलामका गो लिमा थेसाका गानीनुड हाम हुम रउतो मा? १८ गो तीतसलाई ईनीमाडा लमु ज्वाक्साका छोम ज्वाडडो मा कोले ल्वाकलाई वो गुनुड थुर्तो। तीतसका लिमा थेसाका गानीलाम हाम-हुम रडडु मा? गुचुकु कोलेडा न नुड कोलेडा बेसी-दोसीका मेबेचुकुवा मा?

१९ गुकु आकी त्वापलाई बोमु-थार्मु ओर्मिम खोत्ले ल्वा बोकुमिम ज्वाक्पा हाम गानी मिम्नीम बुनी? द्वादीबुड डोप्सोनी, माम्चुनीकु डादोडा ख्रीष्टकु दुल्चोमिम होप्पाम दुम्साका गुकु जेकु। गानीलाई सोनुडमा दुम्बेन्मु लागि गुकु ओर्मिम खोत्ले खारी बोकु। २० हेडालोने गो मेसिन्डा गानीलाई क्रोम्डा रोडुलो गो मिम्तोम होप्पाम मेदुम्मु चाम्नी मा गानी वो गोलाई मिम्डीनिमिम होप्पाम मेदुम्मु वो चापु ज्वाक्पा आमा डिम लुडाम बु। मेसिन्डा गानीगोडा रिबुसी, नोचुर, छोकचो, त्वापकोडडा जोपा दुम्मु माल्पा, डक्साका जेपा, वाडमिमकु ल्वा बेपा, डोकपु लिसिट्टपा, मा मुचुमिमगोडा ल्वा मेग्नोम्पा दुम्मी डे ज्वाक्पा डिम लुडाम बु। २१ गो आथावो ईनीमाडा रोडुलो गानी मेजोपा खारी बेन्निमका माम्चुनीडा आमा क्रोम लु ज्वाक्पा डिम लु। मेम्मा डादो छुल बेपा हापा

मुचुमिमका आथावो त्वाका बेम्डीम
घ्रामलुपा खारी, नाम्सुर नुड वाडमिम
मेसेमनुड अमअम द्वाक्पा नलाम
मेख्लोसिप्मिवामका गो ख्राम्मु बासी डे
ज्वाक्पा गोलाई डिम लुडाम बु।

हुमदडाम सीसिमिम

१३ गो गानीलाई क्रोम्डा ओम्लो
रोक्तोडा बेडमिमनुड सुकखेप
दुम। माम्चुनीकु सिजेमडा अरिसाका
ज्याक्पा बु, “बुईडला उट्पा हाम ल्वा
लोवो नले लोवो सुले मुचुमिमका
ल्वात्तोको ज्वाक्साका कोडडा
आच्छाडाकाम दुम।” २ गो डादो
नकखेपमिम खेपडा गानीनुड बाडडोलो
गानीलाई डिम साट्नीनीम बाईडा।
ओम्लो गानीनुड मेबुडु लोवो मेरामडा
ल्वा ज्वाडु: गो आथावो रोडुलो
डादो छुल बेपामिम सुलाई लोवो
गो मेडिट्पुमी। ३ मेकोतिलो ख्रीष्ट
गोलामका जेमी डे मेएँ ज्वाक्साका
गानी रेम्मु माल्नीम ल्वा डार्नी। गुमीका
गानीगोडा खारी बोमीलो गुमी मेचापा
मेबुमी, लावो छोम युमनुडमा बुमी।
४ आच्छाडा मेचाप्सीडा गुमी कूसडा
चेन्लासोसिमडी, लावो माम्चुनीकु युमका
गुमी नुपाडा बुमी। गुकु वो गुमी होडडा
मेचापा दुम्कु, लावो माम्चुनीकु युमका
गुकु वो गुमीनुडडा नुसाका गानीगोडा
खारी बोकु।

५ गानी आच्छाडा थोर लुनीम बु डे
मेएँ ज्वाक्साका इनी त्वाका त्वापलाई
छाम्नी। येशू ख्रीष्ट गानीगोडा बुमी
ज्वाक्पा गानी आच्छाडा चनी। गुमी
गानी गोडा मेबुमी माला गानी गुमीडा
थोर बोनी ज्वाक्पा ल्वा आछाडा मेएँ।
६ मेम्मा गो थोर लुडु, गुकु ने थुर्माकु खारी
बेसीडा हाम ना हामकाम दुम्तोका

मिबु ज्वाक्पा गानी चनी। ७ गानी मेजोपा
मेबेनी ज्वाक्साका माम्चुनीनुड गुकु
सोम्दी बोकु। गुकु आको त्वाप जोपा
रेम्बोमु लागि मेएँ, लावो गुकु हाम ना
हामकाम होप्पाम ल्वासिडुडा लोवो
गानी जोपा खारी बोमु चाम्नी ज्वाक्साका
सोम्दी बोकु। ८ गुकु आच्छाडाकाम
ल्वाकु कोर्थोलामिमिम खारी हाम वो
बोमु मेचाक्कु, लावो आच्छाडाकाम
लागि कोडडा खारी बोमु चाम्कु। ९ गुकु
हाम वो बोमु मेचापा बुकु लावो गानी
ने हाम लोवो बोमु चापा बुनीमिमका
गुकु गेसिद्ववाकु। गानी छोम जोपा दुम्तो
लक्नी ज्वाक्साका गुकु सोम्दी बोकु।
१० ईनीमाडा रोमु डादो गो ओराम ल्वा
ज्याक्तोडा लेट्पु। गो इनीमाडा रोडुमिम
चडडा गानीलाई इम्मु मेभापा देन्दे ग्वामु
मेबासीनु। गानीलाई फाल्मु लागि मेएँ,
लावो सोनुडमा दुम्बेन्मु लागि डाचोका
गोलाई ग्वाडडीमिम साखाम थोमु न
बेड।

हुमदडाम पावलकु सेव

११ हुमदडा, वा-ल्वाकनी, ब्वासिडी।
छोम जोपा दुम्साका लाम्दीमु न बेनी।
गो छोम ज्वाडुमिम ल्वा थोनी, कोले
नकाम दुम्नी, भ्रसिसाका बानी। मेम्मा
रिखाम बेपा मा न भ्रसी ग्वाक्पा माम्चुनी
गानीनुड दुम्मी।

१२ गानी सेपा रिखामका त्वाप
त्वापगोडा सेव साबेनी। १३ माम्चुनीकु
सेपा मुचुमिम खोत्लेका गानीलाई सेव
ज्वाम्डिम बु।

१४ डाचो येशू ख्रीष्टकु दिदाम,
माम्चुनीकु रिखाम नुड माम्चुनीपेलकु
सामां घोम्सी गानी खोत्लेनुड दुम्मु।